

僊傳痘症奇書叙

臨河之所治其類夥矣而治

小兒為難治小兒而至於痘

症又難之難者也夫臨河之有

閑問也所以窮受病之原也

小兒則呬之而不能言故曰治
小兒難病之生也語其外莫
不中於風寒暑濕語其內莫
不偏於氣血陰陽而小兒之
瘕疝其外既不能言其內則

稟自先天腠理尤微故曰治小

兒而至癰疽又難之難者也

兼是二難而以求今之醫士固

宜其費人矣予素不知醫而

每觀癰疽之危萬羣醫束

手而莫克救至於坐視其死
未嘗不惻然傷之意世必有秘
方治人所不治如古所稱涪翁經
者顧求之而未得也去冬壽
春孫君小庵以僊傳瘕症奇

書寔余曰此信陽高我岡父

子之所作也其書於風寒暑濕

氣血陰陽一一分門別類各完

其原而論針灸之法為尤詳從

世父海峰先生以醫負盛譽



寶宗此編後傳之從姊文李伊
人依以治症亦無不立效今先
生久下世而伊人亦垂以老余懼其
書之失傳也君其為我序而
行之余觀高氏之書寔闡前人

所未發其於危疑之症爬羅剔

抉固宜乎得其說者無不入手

如神而不庵復推其利人濟物

之心取而公之於世從今人手一編

法周沙界矣是為序

序



山青

嘉慶十年歲次乙丑清和既望

白下鮑瑚撰并書



僊傳痘疹奇書卷上

信陽布衣我岡高如山傳

男堯臣輯

氣血論

天一大天。人一小天。天有風水。無日而不動。人有氣血。無息而不行。風水不動。則天地有亢旱之災。氣血不行。則人有痿痺之病。天有五行。金木水火土。人有五行。心肝脾肺腎。人身由氣血而生。火毒由氣血而中。故痘者。假氣血以成形。氣為衛。行於脉外。血為榮。行於脉內。元氣者。又為榮衛之主。使元氣盛。則血氣運行。五內百骸。

周流不息而痘毒隨氣血而出焉。譬如元氣者主帥也。氣血者卒徒也。痘毒者敵人也。主將得人則卒徒用命而敵為之自破。否則鮮有不肆害於吾之疆土者。觀於血氣之盛衰而痘有員陷榮枯可信矣。故智者必補益真元調理榮衛誠攻賊之上策也。然血氣盛故能逐諸毒而火毒盛亦能損氣血。急則治其標宜清火。緩則治其本宜補血。氣書曰氣有生血之功。血無益氣之理。然痘氣不可虧。虧則陽會不及而員暈之形不成。血不可盈。盈則陰乘陽位而倒陷之禍立。至凡治痘者必先益

氣氣盈則能引血成膿結痂以逐其毒如水得風而舟
行自然順吉苟或過於益血則必載毒從溢久為大逆
矣此扶陽抑陰之大道也况氣無形血有形無形者可
於一時有形者須養於平日故保元湯補其氣四物
湯益其血氣可補也血不可過益也書曰氣以成痘之
形故氣充則痘起員暈稀疎如沙子鐵子等痘易出易
靨不可用補氣血之藥使真氣盡出在外內無所主而
毒得易入吉反成凶矣血以華痘之色故血盛則痘之
根窠紅活光澤如實紅透頂紅等痘均是氣血交會苟

不識氣有餘而復補其氣。則痘為空泡無膿。氣虛則為頂陷。為痒癩。自乾為皮薄軟。或寒戰咬牙吐瀉灰白。若不識血盛而復補其血。則痘為夾痘。癰疹丹毒紫黑倒靨。血虛則痘色淡白。根窠無暈。以手抹之。紅色不見。手起即紅。是交會不足。枯紫焦黑。是血熱之極。可用解毒清涼之劑。頂紅紫而灰黑。是血熱而氣滯。宜涼血解毒。使血活而氣行也。大抵治痘之法。雖曰以氣血為主。然有寒熱虛實之辯。寒宜熱。熱宜寒。虛則補。實則洩。不可執一。予竊取前人之意。聊以明於萬一云。

痘論

昔人之論痘者衆矣。率謂與傷寒大同小異。初覺時。頭疼。體重。面赤。氣麤。壯熱。多睡。驚悸。呵欠。頓悶。咳嗽。逆冷。噎噴。此大同也。至於不惡寒而惡熱。面色與四肢俱赤。眼睛黃。手足厥。唇紅耳尖冷。尻骨冷。小便赤。大便不通。其脉洪大。而數不定。則小異耳。傷寒急宜發散。痘症只宜溫平。斷不可妄發。妄下。又不可令兒受風冷。蓋兒腹中稟父之精。食母之血。以成形。故痘毒生於胎胞。成於歲染。兒所必不能免者。一名為百歲瘡。其出也。不拘歲。

時惟是兒一歲或至三歲出時皮膚嫩軟痘出自易若四五歲至十歲上下出皮膚稍稍厚硬痘出畧難譬之土虛則苗易生土實則苗難發亦在培植何如耳蓋痘毒雖則在內然亦未始無因故有因寒溫而得者有因傷食而得者有因傷風或驚悸而得者外有所感五臟之毒始次第發矣前輩謂痘出自腎而傳肝傳脾傳心傳肺者人皆疑之不知此乃自內出外之意非謂胎毒獨藏於腎也蓋毒在兒身隨寓而伏但因歲火流行一二日自腎從骨髓流於肝肝主筋血氣充足傳毒於

脾。脾主肌肉。而無留於筋。三四日傳毒於心。心主脉絡。而無留於肌肉。四五日傳毒於肺。肺主皮毛。則毒盡出於外。七八日膿水漸乾。十日十一日瘡痂盡結。十二日痂落。而身體光澤。是腎毒無留於四臟。故易出易靨。允為大吉。緣五臟稟受氣血充實故也。若心肝脾肺有虧。其毒不能盡發。必有後患。或渾身壯熱。口乾悶亂。或搖擲牽制。紫黑潮熱。或痘後成癰。毒發四肢。俱難調攝。若痘不發。不尖員。不肥滿。痂落甚遲。而收靨難者。皆因未病之先。少用表毒補氣血之劑。故臟有留毒。氣血不

能送毒於外耳。且痘當未出之先。毒伏而不顯。惟痘毒傳出四臟。而腎無留邪者。吉。倘初熱時。便覺腰疼。見點時。色即紫黑。兒多不救。何也。蓋毒氣留於腎間。而不能發散故也。信乎胎毒出自命門。變黑歸腎。百不救一。

五行痘辯

天地造化之妙。不過五行生克制化之理。人稟天地而生。豈外五行。古之論生死者。每每歸之天命。譬若七八月之間。旱苗則槁矣。謂其非出於天不可也。若得桔槔灌溉之力。苗亦未有不生者。故痘有險危二症。治之則

生不治則死。猶夫苗也。嘗觀痘疹發熱。初與傷寒相同。疑似之間。醫不能辯。不敢輕用藥餌。悞者甚多。是未博覽諸書。識見未到故耳。予見傷寒發熱。只一經行證。二日再傳。若痘之行證有五。五者何。呵欠。煩悶者。肝證也。標先發於左頰。屬肝木。出在戊戌。己亥。戊辰。己巳。庚寅。辛卯。木旺日干。是肝毒過多。定知兒痘四五六日發水。泡生。痒癩成目疾。風池左頰有疔痘。宜預解肝毒。羌活湯加青皮。柴胡。痘稀疎者。吉。乍涼乍熱。手足稍冷。多睡者。脾證也。標先發於山根。鼻梁。年壽。屬脾土。出在丙戌。